



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Observationes in Cap. XVIII. De Matrimonii dissolutione.

[urn:nbn:de:hbz:466:1-74413](#)

Quinta, sumpta ex notorietate Adulterii ab altero Conjugum commissi, non ubique admittitur; multa enim sunt Loca, in quibus illa non dispensat à petendā separatione, & probandā notorietate. *Sexta & Septima*, quae respiciunt casus, in quibus Pars requisita non potest reverti, absque periculo, ne male afficiatur, justæ sunt, & ferunt, Actorem teneri ad dandum fidejussorem securitatis; verū, si siccitia tanta sit, ut cautio non sufficiat, non oportet jubere reuniōnem.

QUEST. II. Responsio ad hanc Questionem, qua loquitur de hujus Actionis Judice, non est sufficiens; quippe qua Jurisdictionem soli Episcopo attribuat. In quibusdam casibus pertinent quoque ad Magistratum: nempe, quoties separatio Corporis separatio- nera Bonorum trahit.

QUEST. III. Aduiuncta respicientis REG. I. loquitur de Probatione; generatim dicere debuisset, Actori probationis onus incumbere, nisi, agatur de Impotentia manifesta Rei; quo in casu, hic contrarium probare tenetur. *Secunda* indicat, nonnullas est probatinis, que in causis matrimonialibus adhibentur; admittitur testimonium Cognitorum, cùm non est suscep- tum: ea non loquitur de visitatione Partium in ca- su Impotentiae, nec de purgatione, que pariter ad- mittuntur. *Tertia* loquitur de Impedimento prohibi- tivo, nempe de Matrimonio interdicto ineundi, pen- dente Lite circa prius Matrimonium: hæc non res- picit Actionem in adhesionem, sed Actionem ad dis- solutionem. *Quarta* de Juramento securitatis à Mari- to, qui recipit eam, quam dimiserat, de quâ dictum fuit suprà.

QUEST. IV. Regula I. non convenit Argumento; nam h̄c de Actione in adhesionem agitur; ea autem, de Actione ad dissolutionem loquitur: præterea, quo- tiasi unus ex Conjugis alteri se rursus uniri postulat, petit consequenter, se in possessionem suam redin- gredi. *Cap. II. de Sponsal.* laudatum in REG. II. respi- cit casum, in quo Pater detinet uxores Liberorum suo- rum, eosque invicem frui prohibet.

OBSERVATIONES in CAP. XVIII. de MATRI- MONII DISSOLUTIONE.

Autor miscet id, quod respicit Matrimonii dissolu- tionem, cum iis, quæ respiciunt cohabitationem; quarum rerum alia non habet locum, nisi in casu nullitatis; alia respicit casum discordie inter Conju- gatos. Hæc duo valde discrepantia, separari debuif- sent, & jungi nequeant sine confusione. Causæ dis- solutionis Matrimonium præcedunt (excepta Profes- sione Religiosa, qua aliquando sequitur Matrimonium non consummatum, illudque irritat) & nihil aliud sunt, quæ Impedimenta dirimentia, de quibus actum fuit CAP. XIII. XIV. & totidem sunt, quot ejusmo- di Impedimenta: Causæ separationis, Matrimonium sequuntur, suntque, ut plurimum, Adulterium, Ha- resis, Sollicitatio ad Crimen, Sevitia.

REG. III. *Cap. XVI.* que continet casus à redditione officii exceptos, hic suam applicationem habet; quippe, qui totidem sint causæ separationis à thoro. Idem est de CAP. XVII. *Caus. I.* ibi sunt Ex- ceptions VII. quæ Argumento accommodari queunt, quæ in re habemus exemplum repetitionum non ne- cessariarum; nam sufficiebat dicere, Exceptions in locis laudatis memoratas, continere causas separa- tionis, de quâ hic agendum erat, & illuc remitte- re. Plura similia exempla præbet id, quod dicit, de causis sumptis ex Impedimentis; circa quas satis fuis- set observare, Matrimonium sèp dissolvi horum Im- pedimentorum ratione, verū ejusmodi dissolutionem speciosam esse duntaxat, & realiter nihil aliud esse, quæ declarationem, nullum fuisse Matrimo- nium; & remittere ad ea, quæ dixerat circa hæc Impedimenta. Reducendo itaque disputationem ad

Tom. I.

causas verae dissolutionis, & causas separationis à tho- ro, exordiri debuisset à morte, quæ dissolvit Matrī- monium, sive consummatum sive non; tūn loqui de Professione Religiosa, qua solvit Matrimonium non consummatum; & observare, nullas esse alias verae dissolutionis causas, quæ has duas; sic multas repetitiones vitavisset: inde transiens ad causas separationis, atque ab Adulterio, earum precipuā, incipiens, ut factō opus est, colligere debuisset casus, in quibus effectum hunc parit: deinde casus, in quibus eum non habet: idem perfidere debuisset cir- cā reliquias causas, secernendo veras à falsis, & utraque ex ordine colligendo; cùm id promiscue fieri ne- queat sine confusione.

Quod de Hæresi dicit n. 4. extenditur ad Aposto- sianum: ratio est eadem, illaque est causa separationis, non dissolutionis. n. 5. falsum est, Parricidium est causa separationis. Quod dicit n. 6, de Voto, quod Matrimonium præcessit, pertinet ad Impedimenta; & quod adjicit de Voto subsequente, est in REG. V. *Cap. VI.* Divortium anumerare non debuisset causis particularibus separationis; nihil enim aliud est, quæ separatio, & locum habet in unoquoque casu separationis.

Num. 1. 8. 9. 10. 11. 12. 13. 14. 15. 19. 23. falsæ causæ sumptis ex abjuratione Matrimonii, lice- circa statum unius è Conjugibus, Servitute subsequen- te, Exilio, Relegatione, longā Absentiā, Impoten- tiā subsequente, Furore, Infirmitate, Peccati puniti- bilitate alterutri imposita. Matrimonio subsequente boni finis gratiā, quilibet is fuerit.

Quod dicit de Impotentia antecedente, Argumento alienum est, insufficiens & parvum accuratum: dividere oportebat Impotentiam in antecedentem, & subsequentem; naturalem, & ex maleficio; mani- festam, & dubiam; absolutam, & relativam: & anotare id, quod singulis speciebus peculiare est. Ante- cedens, annihilat Matrimonium; subsequens, ne- quidem separationis causa est: ea, quæ nascitur ex maleficio, semper relativa est, aut talis præsumitur: ideoque persona separata, ad alias Nuptias transfe- re possunt, sicut in alio quolibet Impotentia relati- va casu. Quando Impotentia manifesta est, non statu- tur cohabitatio triennalis: hæc necessaria non est, nisi cùm Impotentia dubia est. Dubio locus est, quoad Impotentiam naturalem, & ex maleficio. Quoad relativam & absolutam, hæc ab omni prorsus Matrimoniū excludit; unde fit, ut, si quis eorum, qui absolute impotentes erant, aliud conjugium ineat, & Liberos procreet, hoc posterius nullum declaratur, & primum restituitur: Sententia erronea nullam in priore Matrimonio mutationem induxit.

Num. 16. ineptum erat collocare Sententiam in- ter causas particulares separationis; quippe, quæ unam ex iis semper supponat, & quoad singulas locum habeat, & si deficiat causa, Sententia iniqua est.

Num. 17. Sollicitatio ad crimen est justa se- parationis causa: propter hujus sollicitationis peri- culum, mutatio Religionis inter causas separationis ponitur.

Num. 18. falsum est, quod, si Matrimonium per- veniat ad statum, à quo incipere non potuerit, mutatio sit causa dissolutionis, aut separationis; nam constat 1. nullum ex Impedimentis, quæ ob- stituerint Matrimonio, si præcessissent, illud annihila- re, si subsequantur; 2. multi sunt Casus, qui post Matrimonium obvenire possunt, & non sunt justæ separationis causæ, quævis ab eo avertissent, si præ- cessissent; tales sunt ii, qui Sponsalia dissolvunt, Le- pra, Paralisis, Cœcitas, Surditas, Deformitas, Hu- mores frigidi, Dementia.

Num. 20. respicit Impedimentum Vinculi, quod, si post Secundum Matrimonium certificetur, ejus nullitatem trahit, & proinde Argumento alienum est.

Ff 3

Num.

Num. 21. meram repetitionem continet & falso est, si agatur de Impotentia relativâ, aut naturali, aut ex maleficio.

Num. 22. machinatio in vitam conjugis, ut plurimum, sequela est Adulterii, vel Cupiditatis immodicæ, alium sibi adsciscendi: idem de hoc casu est, ac de sollicitatione ad crimen, quæ est machinatio in vitam spiritualem.

OBSERVATIONES IN CAP. XIX. de Actione ad dissolutionem Matrimonii ejusque Accusatione.

Oblervare juvat in hoc Caput & in præcedens, quod, inter Christianos, Divortium Matrimonii dissolvens prohibetur, iisque hoc in Capite differant à Paganis, & Judæis, inter quos licitum erat. *Divortium* nuncupamus separationem Conjugum, qua eos invicem colligatos relinquit. Ad hanc separationem justa causa requiritur, Ecclesiæque autoritas: alia sine alterâ non sufficit. Ecclesia Conjuges copulat; æquum est, ut illos dividat: unio justa est, & publica; oportet, ut separatio similis sit: talis esse nequit sine iusta causa: Partes nequeunt esse Juges in suâ Causâ: oportet igitur, ut Judicem habeant, quod nemini magis, quam Ecclesiastico convenit. Præterea, causa plerique separationis, sunt crimina: putâ Hæresis, Adulterium, Discordia, Sævitia, Machinatio in vitam Conjugis: proinde separatio est persona: requiritur Ministerium aliquius, qui illam prouuntiet, aut declaret, eam in circumstantiis occurrentibus habere locum: notorietas à Judicis interventu dispensare non potest, quippe qua probari debeat. Principia hæc necessaria sunt ad intelligenda hæc duo Capita, sed maximè postremum hoc.

Hic aliquot repetitiones occurunt, & ordo negligitur in quibusdam Quæstionibus. Sponsalia quoque cum Matrimonio confunduntur, quamvis agatur solum de Matrimonio: confunditur etiam vera Matrimonii dissolutio, cum eâ, qua speciosa est tantum, & cum simplici Conjugum separatione. *Caput* in Quæstiones IV. dividitur. *Quæst. I.* respicit causas Actionis, qua sunt eadem, ac dissolutionis causa; idem est, quoad exceptions, ut fatetur Autor, ideoque remittit ad Caput præcedens, adjicendo solum quasdam Exceptions generales & communes. Prima est, si agatur de Matrimonio contrahendo; tunc enim Accusatio non habet locum, sed mera denunciatio. Verum hæc Exceptio non convenit Argumento; nam hoc Caput, nec non præcedens, respiciunt Matrimonium contractum.

Secunda est, si Conjugum alter ab alio relictus fuerit; tunc enim restituendus est, priusquam discutiatur causa, ob quam, separationem postulat; nisi 1. agatur de Cognitione, quam Defertor probare paratus sit, & praefet Juramentum de calumniâ. 2. Persona deserta Adulterium commiserit post separationem, quod in Jure confiteatur; sic enim juri suo renunciavit; 3. Nisi agatur de Matrimonio Infidelium, quorum, altero ad Fidem converso, alias cum ipso cohabitare recusat sine contumelâ Creatoris; nam tunc Fidelis autoritate privatâ discedere potest.

Tertia est, si Reus sine culpâ suâ absit. Exponendo has Exceptions, inseruimus Replications, quibus illa evaserunt clariiores.

Quæst. II. Ad quem pertineat jus accusandi Matrimonii? Respondetur: illud ad Cognatos potius, quam ad Extraneos pertinere: hæc eis prælatio debetur ratione specialis interest ipsorum. Accusatio fit vulgo per denunciationem Impedimentorum, sive ante, sive post Matrimonium, quæ, ut plurimum, magis à Cognatis, quam ab Extraneis cognoscuntur. Accusatio locum habet solum, cùm silent Partes, & in casibus nullitatis Matrimonii. Quoad causas separationis, ipsæ Partes se invicem accusant, cùm earum præcipue interficiuntur.

Reg. I. Quæst. III. respicientis Judicem, male con-

cipitur: dicendum erat, in Judice requiri scientiam Canonum; non verò, peritos Canonistas esse Juges eiusmodi Causarum. De notitia Legum filet, putans, has Causas judicandas juxta Canones: quod falso; cùm contrarium agnoscant ipsi Canones: 2. restringi debet ad suum tenorem expressum, nempè Judicium hoc pertinere ad Episcopum, non verò ad Abbatem. Magistratus Politicus hoc jus ab Ecclesiâ vindicat, cùm separatio Corporis inducit separationem Bonorum, quod vulgo fit, cùm jungitur separationi habitacionis, sæpe necessariæ, ad vitandos perniciosos effectus separationis Corporis statutæ in Jure.

Quæst. IV. respiciens accessoriæ Actionis, & probationem ejus, nihil ferè novi continet. Facta videtur ad majorem explicationem.

Reg. VI. conjungenda erat Reg. II. Ambæ respiciunt probationes Impotentia.

Reg. III. IV. VII. pertinent ad probationes Consanguinitatis; earum doctrina ad alias Cognitionis species extenditur. *Quinque Exceptions Reg. IV.* reduncunt ad Qualitates Testium, qua relata sunt Lib. II. videlicet. 1. Ut Juramentum præstant; duo sicut ad ministrum; fide digni sunt; stabiles in suâ depositione, ejusque sufficientem rationem reddant. Idem est de testimonio in casu Cognitionis, ac de Accusatione Matrimonii: in simili casu Cognati aliis antepontuntur.

Reg. quæ respicit Judicem Dotis, pertinet ad Quæst. II. Cap. 20. quod legitur in fine de Denunciatione, observatum fuit in Quæst. I. hujus Cap. XIX.

OBSERVATIONES IN CAP. XX. de Jure Matrimonii dissoluti.

Quod observatum fuit suprà, circâ verbum hoc, dissolvere, suam, hic, applicationem habet; cùm eodem sensu adhibeatur.

Caput hoc, magis Civile, quam Spirituale respicit, Conventiones potius, quam Sacramentum; prouinde, Argumentum minus ad Canones, quam ad Leges pertinet: ha enim Conventiones definire debent, & provide re earum executioni, ad quam pertinet Ius Matrimonii: nempè, restitutio Dotis & Donationis propter Nuptias. Circâ hæc, ut circâ alias quaslibet, nihil ad Decisionem Canonicaem pertinet, nisi quod Animam tangit, an sit peccatum, nec-ni; quatenus illud coram Deo, atque Hominibus reparandum sit, ubi scandalum peperit; quandò dama præstanta veniant, aut feciunt; an poenæ contraria, aut conformes sint Legi Divinae. In Prima Capitis hujus Quæst. extant exempla rerum pertinentium ad Ius Canonicum quoad Divortium; in ceteris autem referuntur res ad Ius Civile competentes. Prioris generis exempla sunt, 1. poenæ spirituales lata in Divortium injustum ob defec tum causæ, vel autoritatis legitimæ Reg. I. II. 2. Judicium de iustitia aut injunctiâ Causarum. 3. Retractatio Judicij erronei, per Ecclesiam lati Reg. IV. 4. Legitimitas Liberorum antè, vel post Divortium natorum Reg. III. 5. Validitas Secundi Matrimonii post Divortium contracti Reg. V. nam judicium de vinculo, Ecclesia competit. Itaque, posito quod Matrimonium prius manifestè nullum sit, aut contractum, omisisse solemnitatibus ab Ecclesiâ præstatutis, Liberi sunt illegiti; si prius ab Ecclesiâ nullum fuerit declaratum, posterius validum est: si Ecclesia decepta fuerit, ipsa errorem suum emendare debet.

Reg. VI. continet exemplum posterioris generis; nempè divisionem Bonorum constante Matrimonio partorum. Legum Officium est, statuere, atque ordinare, quandò locum habeat. Cùm amissio Dotis & Donationis, sit poena temporalis, quemadmodum amissio Bonorum, sante Communione, acquisitorum, temporalis est; utriusque Capitis Definitio pertinet ad Leges: undè fit, ut sex Regulae subsequentes exempla similia suppeditent; nam loquuntur de casibus, in quibus Uxor